



Swnghihhuz dwg Yauhi aen gingjdenj gyaundeir raixcaix ndeu, Suenmbuheu dwg ndawde gizdieg cei q gyaueu.

Daeuj daengz Suenmbuheu, daj gya muengh bae, ndaw daemz hunghung haenx, baenz benq baenz benq mbawmbu deih-yaedyaed, doxcaenx doxnem, lumj gaiq deihdamj heusoemsoem ndeu, cungqgyang siuq rim baenz duj baenz duj va' mbu ronghsien. Raq rumz saeq baez ci gvaqdaeu, va' mbu caeuq mbawmbu diuqfoux fofu, lumj banh ciengz vujvei nauhnauh yiedyied ndeu.

Caiq byaij gyawj di, couh engq raen cing lo. Mbawmbu lumj aen batluenz heu, youh lumj aen liengj heuswd, aen nem aen, gij raemxraiz gwnz mbaw, ringx bae ringx dauq, lumj naedcaw mae goenq. Gij saek va' mbu miz hau, miz maeq, gij hau lumj nyawh, gij maeq lumj fwjbya, miz mbanj lij dwg valup, miz mbanj mbehai song sam limq, lumj gij rangz fwndoek gvaq haenx, bongzboedboed, miz mbanj gaenq hai caez lo. Rumz cifi, rangfwfwd hawj vunz simsoeng vuenheij.

Ngonz aen Suenmbuheu gyaundeir neix, gou ngeix daengz gawj sei ndeu "lwgnyez vax ruz iq, caeg mbiq duj va' mbu", gou caen siengj baenz boux lwgnyez ndaw sei neix ha! Gou gyaenz aen Suenmbuheu gyaundeir neix!

(Yangz Yijloz raiz; Goenggen hoiz)

Vah Laeglemx Song Diuz Vunj

两条裙子的悄悄话

环江思恩镇人和小学五年级 Moz Cunhyij/莫春宇

Ngoenz gonq gyanghaemh, gou yaek ninz ndaek seiz, sawqmwh dingqnyl gij sing geizheih. Seizneix, gou hix mbouj siengj ninz, cij siengj ra ok gij sing dwg daj gizlawz daeu. A! Gou ra ndaej lo——gij sing dwg daj ndaw gvihbuh cienz ok—daeu. Gou caiq daengj rwz bae dingq, yenzlaiz dwg diuz vunz gou ngamq cawx ndaej mbouj nanz caeuq diuz vunz gou seiq bi gonq daenj gvaq haenx cingq gangjah laeglemx ne.

Vunjmoq daxndiep dwk cam: "Gwnz ndang mwngz vih gijmaz yienghneix uq ne?" Vunjiq mbouj miz banhfap dwk naeu: "Ai, gou yenzlaiz hix lumj mwngz ityiengh hausagsag, gyaundeir raixcaix! Seizhaenx bouxcawj cibfaen gyaenz gou, ca mbouj lai ngoenzngoenz daenj gou bae hwnjhag. Hoeng miz baez ndeu, gwnzmbwn laebdaeb doek geij ngoenz fwn. Bouxcawj hwnjhag itdingh ginggvaq diuz loh ngutngut ngeujngeuj gumzgumz gamxgamx, yaep he bienq ndaej gig myag. Bouxcawj daenj gou bae yozyau seiz, namhhenj couh lumj nonroet riengz nei nem daejhaiz bouxcawj, boengz hix mbouj duenh yiengq gou coemj daeu, cei cuj dwg, aenvih gij namh daejhaiz bouxcawj yied rom yied lai, yamqdin yied daeu yied naek, doeklaeng mbouj re couh laemx roengzbae, lij rouxringx youq gwnznamh. Gwnz ndang bouxcawj vunzsieng baez dem baez, yenzlaiz gou hausagsag hix deng namh nyumx baenz saekhenj lo. Bouxcawj daejnauh gouz daxmeh dawz de swiq seuq seiz, hoeng guh mbouj ndaej daengz lo, aenvih doenghgiij namhhenj gaenq haeuj daengz ndawndang gou lo. Daj seizhaenx hwnj bouxcawj couh caiq hix mbouj miz banhfap daenj gou lo. Gou gaenq youq ndaw gvihbuh laep—ngaungau neix ninz le sam bi lai lo, sei qgyaiq

baihrog baenzlawz yiengh gou mbouj rox saekdi……" Vunjiq gangj dwk gangj dwk, gawqyienz siengsim dwk daejnganga hwnjdaeu.

Vunjmoq dingq le gij vah vunjiq, gig doengzcingz gij bungqraen de, yienghneix couh nai de naeu: "Mwngz gaej nanzgvaq, yienznaeu mwngz mbouj ndaej ok dou, danhseih gou gojyij dawz gou youq baihrog yawjraen gij saeh haisim lwnh mwngz nyi! Seizneix, baihrog bienqvaq caen hung ha! Yenzlaiz mwngz riengz bouxcawj byaij gvaq gij diuzloh namhhenj haenx gaenq siu ndaej mbouj miz ingi mbouj miz riz, lawh de dwg cwngfuj ok ngaenz caiq coih diuz loh suijniz bingzrwdrdw ndeu. Seizneix bouxcawj raeuz hwnjhag mbouj dwg byaij loh bae, lij dwg naengh ci bae, vunz ndaw mbanj ndaem ok gij doxgaiq cungj yungh ci hung yinh ok baihrog bae vuenh ngaenz. Swngghoz gyoengqde yied daeu yied miz lo. Ndaw mbanj ranzngvax gaxgonq cungj bienqbaenz ranzlaeu lo. Mwngz yawj bouxcawj raeuz youq gij song caengz ranzlaeu haenx youh rongh youh gvangq, gwnzdieg lij nem miz cienmeng, gingciengz cat ndaej hausagsag, ranz dingi lij miz daeng gyaundeir, lumj dujva hung nei……"

Dingq le gij vah laeglemx vunz moq caeuq vunjiq, ndaw sim gou haujlai nanz dingz mbouj roengzdaeu. Dwg ha, danghnaeu mbouj miz cwngfuj ok ngaenz bang raeuz coih loh, danghnaeu mbouj miz cwngfuj bang gajcauh ranzyiemj laj—mbanj, baenzlawz miz gij swngghoz vuenyungz raeuz? Youq gyanghaemh caemrwrwg neix, gou caen siengj singhung ciengq song coenz: "Cwngcwz dangj caen ndei ya! Cwngcwz dangj caen ndei ya!"

(lauxsae son'gyauq Cinz Yivangj/覃玉往)

Hoeng, bouxlaux mbouj saenq gyoengqsou gangj bw. Gyoengqde bouxboux cungj ngah hah dieg gvangq dieg laux, nyinhnaeu bonjndang ak lumj faexceizlingz, laux lumj faexceizlingz. Gyoengqsou heuh gyoengqde suenq mbat soq ndeu vei, yienghneix gyoengqde cix angqfwngfwng, aenvih gyoengqde gyaenz soq dangq—maz. Hoeng gyoengqsou mbouj hoj saivaih seizgan bae guh yiengh saeh mbouj miz yungh neix ne, guh goj mbouj miz yungh. Sou saenq gou liux bae.

Lwgvuengziq daeu daengz deihgiuz cix raen geizheih raixcaix, de cungj mbouj raen saek boux vunz. De lau byaij loek roen gvaq. Seizde, de laegfwng ndaej raen duz ngwz ronghsagsag lumj ronghndwen ndeu ruenz youq gwnz diegsa.



"Gyanghaemh ndei!" Lwgvuengz—iq dongx de naeu.

"Gyanghaemh ndei!" Duzngwz han naeu.

"Gizneix dwg aen singgiuz lawz ne?" Lwgvuengziq cam naeu.

"Deihgiuz! Gizneix dwg Feicou!" Duzngwz han naeu.

"O! Gwnz deihgiuz neix mbouj miz vunz ha?" Lwgvuengziq cam naeu.

"Gizneix diegsa! Ndaw diegsa mbouj miz vunz nauq ne! Deihgiuz hung lai gvangq lai." Duzngwz han naeu.

Lwgvuengziq ra ndaek rin ndeu naengh roengzdaeu, ngiengx gyaenq cim gyangmbwn.

De naeu: "Ndaundeiq youq gwnzmbwn ronghmyabmyab, gou naemj gyoengqde dwg mbouj dwg hawj

Lwgvuengziq



bouxraiz Swng' aihgwzsuhbeilij bouxhoiz Luz Fwncangz

圣埃克苏佩里 著 卢奋长 译

raez bouxboux vunz daengzlaeng miz saek ngoenz cungj ra raen ndaundeiq bonjndang ne? Mwngz yawj vei, aenndaundeiq duh gou, couh youq gwnz gyaenq gyoengqdou. Hoeng de gyaenq gyanggyang bw.

"Gyaenq lai bw!" Duzngwz naeu, "Mwngz daeu gizneix guhmaz ne?"

"Gou guhnyah guh' unj dujva ndeu." Lwgvuengziq naeu.

"O!" Duzngwz han naeu.

Daengx song boux de bak ngoemxngwt mbouj guhsing lo.

"Vunz youq gizlawz ne?" Lwgvuengziq aj bak naeu doekgonq, "Youq ndaw diegsa neix mbwq—linlin……"

"Bae daengz giz miz vunz, hix mbwqlinlin." Duzngwz han naeu.

Lwgvuengziq cim duzngwz ndaej nanznanz bae.

"Mwngz geizheih lai, iq lumj lwgfwngz." Lwgvuengziq naeu dem.

"Gou lij ak gvaq lwgfwngz guekvuengz bw!" Duzngwz naeu.

Lwgvuengziq riuhehe naeu: "Mwngz goj mbouj ak lai ma. Mwngz mbouj miz din, bae liuhlah mbouj baenz ne."

"Gou dawz mwngz bae giz gyaenq gyaenq ndaej, bae lij gyaenq gvaq giz aenruuz bae ndaej daengz de." Duzngwz naeu.

Duzngwz heux youq gwnz din Lwgvuengziq, lumj goenhfwngz gim yienghde.

"Bouxlawz deng gou nyangzraen le, gou cix soengq de bae ranz." Duzngwz lij naeu dem, "Hoeng mwngz hozsoh simndei lai, youh dwg daj aen singgiuz wng daeu……"

Lwgvuengziq mbouj han saek coenz.

"Youq gwnz deihgiuz neix, mwngz unqnemnem, gou cojgvaq mwngz lai. Langhnaeu daengzlaeng mwngz nawh mbanj ndiep ranz, gou cix gyaemj mwngz, gyaemj mwngz……"

"O! Gou rox mwngz gangj gijmaz lo." Lwgvuengziq naeu, "Mwngz vihmaz gangj vah gangj lumj vahduenz ne?"

"Daengzlaeng gou cix lwnh mwngz nyi." Duzngwz han naeu.

Gangj liux daengx song boux de youh mbouj guhsing lo.

(23)